

Na temelju člana 33. Zakona o osnivanju Nezavisnog operatora sistema za prenosni sistem u Bosni i Hercegovini („Službeni glasnik BiH“ br. 35/04), člana 8. Zakona o radu u institucijama Bosne i Hercegovine („Službeni glasnik BiH“ br. 26/04, 7/05, 48/05, 60/10 i 32/13), a u skladu sa Pravilnikom o radu Nezavisnog operatora sistema u Bosni i Hercegovini, Pravilnikom o unutrašnjoj organizaciji Nezavisnog operatora sistema u Bosni i Hercegovini sa opisom radnih mjesta, kao i Odlukom o prijemu i popuni radnih mjesta u Nezavisnom operatoru sistema u Bosni i Hercegovini br. 03/1004-1/16, Nezavisni operator sistema u Bosni i Hercegovini raspisuje

JAVNI NATJEČAJ za popunu radnog mjesta

01 Stručni saradnik za pomoćne usluge i balansno tržište – 2 izvršioca (Služba tržišnih operacija)

Opis poslova i radnih zadataka:

Prikuplja i analizira podatke o radu sistema pomoćnih usluga i balansnog mehanizma i izrađuje potrebne izvještaje (dnevne, mjesečne...). Vršiti obračun korištenja pomoćnih i sistemskih usluga i priprema odgovarajuće izvještaje. Vršiti administraciju IT sistema za balansno tržište i nadgleda rad sistema. Obezbeđuje ažurnost odgovarajućih baza podataka, registara i evidencija iz domena Službe za tržišne operacije, prema usaglašenim procedurama. Osigurava raspoloživost i transparentnost potrebnih podataka iz domena pomoćnih usluga te balansnog mehanizma, u skladu sa važećim regulatornim i ugovornim okvirom. Predlaže poboljšanja procesa i procedura za rad sistema pomoćnih usluga i balansnog mehanizma. Po nalogu rukovodioca tržišnih operacija, obavlja i druge poslove neophodne za efikasno funkcionisanje NOSBIH-a.

Uslovi:

Osim općih uslova utvrđenih Zakonom o radu u institucijama BiH (navršenih 18 godina; državljanstvo BiH; fizička i psihička sposobnost za obavljanje poslova na radnom mjestu za koje se prijavljuje, da nije obuhvaćen odredbom člana IX stav 1. Ustava Bosne i Hercegovine) kandidati trebaju ispunjavati i sljedeće posebne uslove:

- VSS (VII stepen) – Diplomirani inženjer elektrotehnike ili magistar diplomirani inženjer elektrotehnike
- Najmanje godinu dana radnog iskustva na poslovima tržišta električne energije, balansnog tržišta i pomoćnih usluga
- Aktivno znanje engleskog jezika.

Napomene:

Radni odnos se zasniva na neodređeno vrijeme uz probni rad u trajanju od 6 (šest) mjeseci. Ne može se primiti ni biti u radnom odnosu osoba koja u mjestu življenja obavlja samostalnu profesionalnu djelatnost, odnosno, koja ima obrtničku radnju ili vlastitu tvrtku, kako je naznačeno u članu 11. Zakona o radu u institucijama BiH.

Potrebni dokumenti:

Prijava kandidata, životopis/CV, ovjerena kopija fakultetske diplome, a za kandidate koji su visoko obrazovanje stekli po bolonjskom procesu uz ovjerenu fakultetsku diplomu i ovjeren dodatak fakultetskoj diplomi, uvjerenje o državljanstvu (ne starije od tri mjeseca), izjava kandidata da se na njega ne odnosi član IX stav 1. Ustava BiH, dokazi o poznavanju engleskog jezika, kao i dokazi o radnom iskustvu na istim ili sličnim poslovima.

Napomena za kandidate koji će biti izabrani na radno mjesto :

Neposredno pred zaključenje ugovora o radu izabrani kandidat dužan je dostaviti uvjerenje o zdravstvenoj sposobnosti (ne starije od tri mjeseca), kopiju lične karte, kopiju potvrde o prebivalištu, uvjerenje o nekažnjavanju, kao i uvjerenje da se protiv kandidata ne vodi krivični postupak.

Neispunjenje ove obaveze rezultirat će odbacivanjem izabranog kandidata.

S kandidatima koji uđu u užu izbor Komisija za izbor obaviti će razgovor, te će se organizirati testiranje kandidata, o čemu će kandidati pravodobno biti obaviješteni.

Komisija će posebno voditi računa o poštovanju člana 8. stav 9. Zakona o radu u institucijama BiH (Službeni glasnik BiH broj: 26/04, 7/05, 48/05 i 60/10).

Svi kandidati koji se prijave na natječaj pismenim će putem biti obaviješteni o rezultatima natječaja, odnosno, izboru kandidata.

Rok za podnošenje prijave:

Krajnji rok za prijavu na natječaj je **06.09.2016. godine.**

Nepravovremeno dostavljene i nepotpune prijave neće se uzimati u razmatranje.

Prijave se mogu dostaviti lično ili preporučenom poštom na adresu: Nezavisni operator sistema u Bosni i Hercegovini, Hamdije Čemerlića 2, 71000 Sarajevo (V kat) s naznakom :

"JAVNI NATJEČAJ za popunu radnog mjesta Stručni saradnik za pomoćne usluge i balansno tržište – 2 izvršioca - NE OTVARATI"

Ovaj natječaj objavljen je u listovima: *Večernji list; Oslobođenje; Nezavisne novine.*